

Als habitonts da Mustér

■ Ils 27 da settember 2020 han las votaziuns federalas ed elecziuns communalas lieu. Nus vischins da Mustér havein plinavon la caschun da votar pigl impurtont project dil niev Center Fontauna (CF). Il temps ei madirs da conceder il credit necessari per la renovaziun, amplificaziun ed igl engrossament cumplexiv dil center da sport e cultura. Las persunas responsablas han prestau bia lavur, creau in project unic ed adattau al temps dad oz sco era al futur. Lein pia offerir vinavon als indigens ed als hospis ina purschida unica en nosa regiun. A nus schai ei a cor d'animar amitgs, vischins, enconuschents e l'entira populaziun dalla vischnaunca da Mustér da votar gie pil project Center Fontauna. Da dar a nosa giuventetgna in impurtont segn per habitar a Mustér ni ellas vischnauncas circumdantas. Da garantir era allas generaziuns vegnentas schibein in areal da sport, d'occurrências e da divertiment pil futur sco era in equilibr sper la professiun.

Ina sanaziun dallas localitads dil center da sport e cultura ei pli che necessaria. Cun la sanaziun se presenta il Center Fontauna en in bi e niev vestgü. Denter auter vegn la caffetteria dislocada ed ei cheutras aschia meglier accessibla per mintgin. Vinavon vegnan era las activitads per nos affons amplificadas e renovadas. La purschi-

da actuala resta e nova infrastruttura possibilitescha novs sports e divertiment per in e scadin. Il CF resta vinavon interessants per occurrências da gronda dimensiun. Noss'uniun ei persuadida da quei grondius project e spera fermamein sin ina realisaziun. Il center da sport e cultura ei unics en nosa regiun ed ha tochen oz purtau bien fretg. Il niev Center Fontauna duei vinavon purtar alla vischnaunca da Mustér ed alla regiun buna raccolta. Lein pia prender la caschun e votar gie ils 27 da settember. Nus quintein cun Vies sustegn.

Las suprastonzas dallas uniuns: Las Bagordas, Las Fifferlotas, CB Sedrun-Mustér, Club da tennis Disentis/Mustér, Uniun da giuventetgna Vitg, Uniun da giuventetgna Funs-Latis-Clavaniev, Uniun da giuventetgna Tetgala, Uniun da giuventetgna Segnas-Acletta, Uniun da giuventetgna Pardomat-Madernal-Disla-Cavardinas, Uniun da giuventetgna Raveras, Uniun da giuventetgna Gonda, Movis-Moviment e sault, Volkseisen, Club d'unihoc Desertina Bulls, Chor baselgia Segnas, Club da skis Disentis, Secziun da catschadurs Pèz Alpetta, Grupa da gymnastica FitGym, Uniun da commerci e professiun (UCP), Club da curling Mustér, Uniun purila Mustér, Uniun Cristallina Mustér, Uniun da tscheiver Mustér, scola da skis Mustér



FOTO GLIECI CAMENISCH

Izuns

■ Naven da miez uost ein ils izuns madirs. Ir ad encurir izuns ha en nosas cuntradas ina liunga tradiziun. Pli baul mavan entiras famiglias ensemen «els izuns». Ei vegneva rimnau da camifo il fretg gustus. La sera magari stuevan ins gnanc dumandar la buobanaglia tgei che els hagian trafficau il di ora – la color intensiva entuorn la bucca tradeva avunda. Oz van aunc biars ad encurir izuns, auters

denton fan ei pli sempel e van mo tochen el proxim centrum da cumpra. Quei ei ina valeivla alternativa. Mo ein lezs izuns era schi buns, schi gustus e savurus sco ils encuri a maun si els aults? Jeu dubetel. E sin ils regals en stizun vesan ni anflan ins segir era buc autras creatiras pintgas da tuttas fuormas e colors.

Gliesci Camenisch, Glion

LA QUOTIDIANA

Editura: Samedia Press AG
Editur: Hanspeter Lebrument
CEO: Thomas Kundert

Editura Samedia
Via Sommerau 32, 7007 Cuir; tel. 081 255 50 50, mail: verlag@samedia.ch

Redacziun responsabla:
Fundaziun Medias Rumantschas (FMR);
Schefredactor FMR: David Truttmann (dat)
Substitut schefredactor FMR:
Martin Cabalzar (mc)
Redacziun FMR:
Flurin Andry (fa), Augustin Beeli (abc), Sandro Buchli (sb), Andreas Cadonau (ac), Daniela Derungs (dd), Annatina Felli (afi), Hans Huonder (hh), Susi Rothmund (sr), Gion Nutegn Stgier (gns)

Adressas redacziunalas:
FMR Fundaziun Medias Rumantschas, Via da Masans 2, 7000 Cuir, tel: 081 544 89 10 mail: redacziun@fmr.ch

Servetsch d'abunents e da distribuziun:
Via Sommerau 32, 7007 Cuir, tel. 0844 226 226, mail: abo@samedia.ch

Communicaziun da participaziun considerablas sin fundament da art. 322 CP:

nagin

© Samedia



Cu las forzas van a fin ei la mort in spindrament.

Annunzia da mort

Cun gronda tristezia prendein nus cumiau da mia cara dunna, nosa sora, onda e madrescha.

Imelda Kummer-Berther

12. Dezember 1945 bis 5. September 2020

Adressa da malencurada:
Martin Kummer-Berther
Wehntalerstrasse 409
8046 Zürich-Affoltern

Las famiglias en malencurada:

- Martin Kummer-Berther, consort
- Sep Lurenz e Gemma Berther-Deflorin, frar cun famiglia
- Culastia Ehrl-Berther, sora
- Bernardetta e Robert Massmünster-Berther, sora cun famiglia
- Theodor e Silvia Berther-Germann, frar cun famiglia
- Eugen e Geneviève Berther-Roth, frar cun famiglia
- Gieri e Anna-Pitschna Berther Parli, frar cun famiglia
- Pius Berther, frar
- Ernst Kummer, quinau
- Hans e Marie-Louise Kummer-Herzog, quinau

La sepultura ha lieu el ravugl dalla famiglia a Turitg-Affoltern.

Il sogn Rusari per la defuncta ha lieu ils 18.09.2020 allas 19:00 uras en baselgia parochiala Rueras.



Regurdientschas ein pintgas steilas che glischan el stgir dall'encarschadetgna.

Annunzia da mort ed engraziament

En carezia ed engrazievladad prendein nus cumiau da mia carezada dunna, da nosa cara mamma, sira e tatta, madretscha ed onda

Ursulina Holdener-Pfister

29 da schaner 1934 – 4 da settember 2020

Suenter greva malsogna ha ella astgau sedurmentar.

Adressa da malencurada:
Kurt Holdener-Pfister
Via Pleuna 12
7168 Schlans

En carezia:
Kurt Holdener-Pfister, consort
Conrad e Rita Holdener-Caduff, cun Julian e Robin
Werner Holdener
Rudolf ed Evelina Holdener-Casanova cun Marie
Christoffel Pfister-Fry e famiglia, frar

Nus prendein cumiau gliendisdis, ils 7 da settember 2020, dallas 14.00, sin santeri a Schlans. Suenter la sepultura dalla bara celebren nus el ravugl dalla famiglia e parents la s. messa en baselgia s. Gieri.

Da cor engraziein nus:
a tut quels che han fatg dil bien a mia dunna e nosa mamma;
a dr. Martin Tomaschett;
a sur Tomasz Piotr Drwal;
al personal dil spital da Glion ed oravontut al personal dalla 2. alzada dalla casa s. Martin a Trun.




FOTO ERVIN MONN



Cu Diu ha viu che la via vegneva memia liunga, il crest memia teiss ed il trer flad memia grev, ha el mess entuorn siu bratsch a ti e getg: «Neu a casa.»

Annunzia da mort

Cun grev cor, mo tuttina engrazievvels ch'ella ha astgau restar a casa tochen il davos, stuein nus prender cumiau da mia cara mamma, nosa carezada nona, nosa sira, sora, onda e madretscha

Lilly Coray-Caviezel

11 da fevrer 1933 – 5 da settember 2020

Amanda ed Augustin Beeli-Coray
Fadri cun Anina, Giuanna cun Silvan
Heinrica Caviezel e Peter Bauer
Michele Piasini, cun Carla
Flurina Caviezel e Renzo Corretti
sco era ulteriurs parents ed enconuschents.

La sepultura dall'urna cul survetsch divin funeral ei mesjamna, ils 16 da settember 2020, allas 14.00, ella baselgia reformada a Sagogn.

Nus engraziein grondamein all'organisaziun Spitex Selva, Laax. Grazia a quella ha nosa astgau passentar la sera dalla veta a casa. In grond Dieus paghi a tuttas assistentas e tgirunzas per la beinvulientscha e la premura ch'ellas han giu cun ella. In cordial engraziament vulein nus admitter a tuttas e tuts che han fatg dil bien a nosa cara defuncta. Enstagl da flurs veglien ins seregurdar dalla Spitex Selva, Laax, IBAN CH02 0077 4155 3522 7170 0 Banca cantunala grischuna.